

新疆府縣志輯

中國地方志集成

光緒新疆吐魯番廳鄉土志

道光哈密志

光緒鎮西廳鄉土志

中國地方志集成

新疆府縣志輯 ⑪

光緒新疆吐魯番廳鄉土志

道光哈密志

光緒鎮西廳鄉土志

咸豐孚化志略


乾隆塔爾巴哈台事宜

光緒綏定縣鄉土志

鳳凰出版社 ● 上海書店 ● 巴蜀書社

光緒新疆吐魯番廳鄉土志

(清)曾炳燾 編



本書不分卷，據鈔本影印。

新疆吐魯番廳鄉土志叙
鄭康成注周禮採用漢法凡制度禮器載於秘府故
書者遠代而難稽復撫拾民間傳寫不同之今書以
相況蓋耳所常聞目所常見其事近其言足信也論
地則考司空郡國輿圖論戶口則核鄉籍戶版八月
案此而造書下至涼州烏翅南郡雀羽中山釀東海
繡伊維素質曰翬江淮青質曰猗藍菡象斗之
錄假紆之製康成皆以目驗之知其見諸問答者後
編為鄭志漢承周後多得古法康成囊括大不遺鄉
閭瑣屑事偉然成一代儒宗嗚呼盛矣我朝銳意興
學京師設編書局飭各直省府廳州縣采鄉土志

以為小學課本是即周禮師氏三德三行保氏六藝六儀之法其政教禁令受之司徒退而頒於鄉吏三年大比興賢選能若舉孝廉合聚而尊寵之今世畢業授官羣艷其名曰新學其實皆周官古制也火州僻處荒裔向無志乘及私家著述可資考證又兵燹後文牘散佚殆盡炳輝下車伊始簿書餘暇間循行鄉社呼二三耆老席地與語詢諮風土推表山川地廣俗雜大率愚悍慮然田地肥美掘井灌溉有黍麥梁菽蒲桃草棉果蔬之饒氣候炎歊食物常足故皆贏榆生而鮮蓄聚爰擬大畧隨筆記載積兩月書成文獻所難徵者輒訪鄉里近事以實之亦猶康成注

禮以今況古之意云尔光緒丁未夏五吐魯番廳同知曾炳燠謹撰

新疆吐魯番廳鄉土志

歷史

吐魯番廳在漢為車師前王庭車師服屬匈奴漢屢征之武帝天漢二年以匈奴降者介和王為開陵侯引兵擊車師不利征和四年再遣開陵侯合六國兵擊之遂臣於漢昭帝時匈奴後田車師宣帝立遣五將軍擊匈奴田者驚玄車師王烏貴立遮漢道地節二年遣鄭吉等攻車師交河城破之得其王單于乃立兜莫為車師王收民東從漢益遣士屯焉元康二年

匈奴擊車師田者田卒少不能守立車師故太子軍
就為王徙其衆渠犂地歸匈奴王莽時匈奴大擊北
邊西域瓦解明帝永平十六年漢取伊吾前王內屬
又降北虜十七年竇固破白山戎擊降後部前部亦
降和帝永元二年遣子入侍三年置戊己校尉居前
部高昌壁八年王尉卑大為後部所攻虜其妻子九
年長史王林斬後部涿鞮前部事漢愈謹安帝一
光中班勇為西域長史屯柳中又名柳谷本魏仍置
戊己校尉晉初車師王居交河而高昌為校尉治成
帝咸和初前涼張駿置西域長史而戊己校尉趙員
不附擊禽之以其地為高車郡立田地縣校尉營張

駿孝武太元以後符秦加車師前部王弥寔為平西
將軍西域都護並置高昌太守後涼北涼皆因之北
魏太武帝延和中以焉耆東部帥車伊洛為前部王
涼州人闕爽自為高昌太守太平真君初北涼亡沮
渠無諱跳據鄯善而伊吾土唐契為蠕蠕所逼亦擁
眾西走白力城即乃白棘展之詎遣弟和攻高昌闕爽詐
降於諱欲令與唐契相擊契為蠕蠕攻殺爽拒無諱
無諱將衛興奴宋書作屠其城爽奔蠕蠕無諱留高
昌奉表於宋文帝拜為西夷校尉涼州刺史河西王
高昌有王自此始真君五年無諱死弟安周代屯橫
截城唐和攻拔之又克高寧疑即自力二城表狀於

魏世祖詔和與車伊洛從屬渡歸討焉耆伊洛留子
歇守城安周乘隙引蠕蠕圍歇陷之真君十一年伊
洛收遺民奔焉耆車師前部至是亡唐和亦自焉耆
歸魏越十載蠕蠕滅安周立闕伯周為高昌王太和
初伯周之子相仇殺為高車王可至羅元初志作所
滅立張孟明為王國人殺之立馬儒二十一年儒欲
東從伊吾其下不願復弑之而立麴嘉兩臣於蠕蠕
高車兼貢中國正先中子堅立西魏大統中子元嘉
周書作立恭帝二年以田地公茂嗣位隋初嘉六世
孫伯雅立突厥所攻令變法從突厥大業中裴矩往
敦煌遣使說伯雅來朝封弁國公尚宗女華容公主

歸蕃後下令國中解辮削袵取悅煬帝然伯雅又臣
於鐵勒實不敢改也其國有四十鎮交河田地高
甯臨川橫截柳婆娑林新興由甯始昌篤進白刃作白等皆其鎮名也書梁唐武德初伯雅死子文秦
嗣貞觀四年入朝尋阻貢道助西突厥擊焉耆十四
年命侯君集等討之文泰悸死子智感降太宗欲列
為州縣魏徵諫不納置西州初號西領五縣高昌柳
中交河天山蒲昌西唐書尋升安西都護府歲調
千兵謫罪人以戍褚遂不省二十一徙都護於龜茲
高宗永徽初都護還治高昌顯慶三年移都護治龜
茲改置西州都督府開元中曰金山都督府並置天

山軍天寶元年改交河郡乾元元年後為西州德宗
貞元六年吐蕃陷北庭節度使楊襲古奔西州為回
紇所殺西州固守無援久之亦陷於吐蕃宣宗大中
時吐蕃衰弱號稱收復懿宗咸通七年回鶻大酋僕
固俊自北庭取西州西州回鶻旋三部曰曰和州回
鶻曰阿薩蘭回鶻曰高昌均服屬於遼兼貢於宋於
高昌王并有北庭蓋諸部推高昌為渠也後西遼又
封吐谷渾之裔畏兀兒於交河其酋曰月仙帖木兒
亦都護號王傳子巴而木阿而成的斤西遼主遣使
監其國巴而述阿而忒殺之而降於元太祖使尚公
主亦作輝和爾國伊都呼時高昌阿薩蘭並存尋并

入畏兀兒三傳為大赤哈爾的斤至元十二年都哇
破大州徙屯於哈密力旋為北軍所殺於是政令歸
朝廷至元中所設官有霍州一作和州仁宗封紐林的斤為
司鎮北庭都護府和州宣慰司
高昌王三尚公主還大州復立畏兀兒城池傳子帖
木兒補化泰定初召入朝元末分為柳城大州吐魯
番三部皆設萬戶府達魯死赤明初仍舊稱萬戶正
統併後於吐魯番其酋居安樂城自稱速檀亦僭王
屢破哈密瓜沙犯肅州嘉靖之季兄弟相爭勢漸衰
弱隆慶初稱速檀者四人國初吐魯番有五種部落
見東錄順治三年遣都督瑪薩朗琥伯峯等入貢稱蘇

勒擅阿布勒阿哈默特阿濟汗六年其黨哈什克伽
助逆回丁國棟為亂遣兵斬之絕其貢使十年後叩
關請貢十二年用葉爾羌舊名悔罪乞貢納之定貢
期五年一至康熙十二年貢表稱禡木特賽伊特汗
署一千八十三年用回教紀元也二十年表稱阿布
勒穆咱帕爾蘇勒擅瑪哈瑪特額敏巴圖爾哈什汗
二十五年表稱臣成吉思汗裔承蘇賚滿漢業此蓋
由蒙回變之證五十九年散秩大臣阿喇衲擊破齊
克塔木降皮禪城吐魯番之阿克蘇爾坦及總管沙
克扎爾率眾迎降別有頭目阿濟斯和卓走策妄
阿喇布坦所明年率準夷來脇吐魯番數千戶徙喀

喇沙爾脫歸千餘戶聚魯克齊穆推脫瑪木特為首
拒準夷遣使由附靖逆將軍富甯安益阿瑪納兵四
千住守九月準夷二千來擊却之授阿喇衲為協理
將軍令興屯焉雍正元年都統穆森代之三年策妄
阿喇布坦乞和求得土魯番地纏回願內徙者六百
五十餘戶四年安置金塔寺威虜堡諸地仍以托克
托瑪木特為長留魯克沁者尚萬數以阿渾額敏和
卓為長五年吐番回回白斤伯克請入貢只以我
師難於底護聽自不強其歸順八年甯遠大將軍岳
鍾琪以己意遣官往購糧放敵鬻九年三月準夷侵
吐魯番護理大將軍四川提督紀成斌令總兵樊廷

率二千人往援賊遁師旋四月賊圍魯克沁額敏和卓力守四旬不下後攻哈喇和卓因衆拒斬五百級岳鍾琪令總兵張元佐曹勦等以三千人往賊遁七月又來侵副將王廷瑞擊走之十年夏噶爾丹策凌遣宰桑額爾克得松攻喀喇和卓參將劉廷戰戰卻之九月護理大將軍事副將軍張廣泗奏吐魯番防兵八千五百人分駐七邑請徙兵民聚居魯谷慶哈喇火州皮禪洋海以便防範十月封額敏和卓為扎薩克輔國公徙其民萬餘口於塔勒納沁十一年後徙之瓜州乾隆二十年額敏和卓從征伊犁加封鎮國公時吐魯番遺民千四百餘戶有伯克莽噶里克

者偕其地以戶籍迎降於定西將軍永常所同時定
北將軍班第奏吐魯番舊酋莽噶爾為元太祖裔今
在喀喇沙爾應遣歸廷臣恐與額敏和卓不相安寢
其議二十一年額敏和卓奏吐魯番不後有蒙古裔
今因願歸故土從之莽噶里克請視額敏和卓編旗
隊詔封公爵割吐魯番西境自伊拉里克至阿斯塔
克與之尋貳於巴雅額敏和卓拒賊固守加封子二
十二年安西都督傅魁進軍鹽池莽噶里克恨準夷
誅求無厭馘十人迎降魁欲邀功擅殺之以擊斬告
事覺誅魁宥莽噶里克妻孥其地統屬額敏和卓加
貝勒品級吐魯番舊作名上明年從靖逆將軍雅爾